



Ақмешіт

13 сәуір
сейсенбі
№29 (1731)
2021 ЖЫЛ

апталығы

Газет
1994 жылдың 15 сәуірінен
бастап шығады

Қалалық қоғамдық-саяси әлеуметтік-
ақпараттық тарихи-танымдық газет •
E-mail: akmeshtit.kz@mail.ru

РЕДАКТОР БАҒАНЫ

15 сәуір

Мақалаға тақырып еткен 15 сәуір –
өзіндік тарихи мәнге ие күн. Тарихқа
көз тіксек, осыдан 96 жыл бұрын әлі
Қызылорда аталмаған Ақмешіт қаласына
Қазақ АКСР (ол кезде әлі Қырғыз АКСР
болатын) кеңестерінің V съезіне сайланған
делегаттар мен үкімет мүшелері келіп,
бес күнге созылған съезд өтіпті. Бұл –
Ақмешіттің астана болған шағы.

Ақмешітті астана ету оңай болған жоқ.
Сұлтанбек Қожанов «Ақжол» газетінің 1924
жылдың 17 желтоқсандағы санында «Қазақтың
астанасы орыстың туы тігілген қалада емес,
қаласы жоқтықтан, қазақтың киіз ауылында болса
да қазақ ұлты жұртшылығына жиі болуы керек.
Қазақ ұлт мемлекетшілігіне әдемі қала, ыңғайлы
үйлер керек емес, жаман да болса өз ордасы
болуы керек» – деп жазды.

Астананы анықтау жөнінде құрылған ар-
наулы комиссия Қазақ Автономиялы Кеңестік
Республикасының астанасы болуға лайық қала-
лар қатарында Ақмола, Әулиеата, Шымкент,
Ақтөбе, Ақмешіт қалаларын атады. Тарихи таңдау
Ақмешіткі түсті.

Архив құжаттарын негізге алып, тарихи
деректерді сөйлестік, 1925 жылғы 15 сәуірде
Ақмешітте Қазақ АКСР кеңестерінің V съезі бастау
алған. Съезд күн тәртібінде ұлттың тарихи атауын
қайтару және жаңа астананың атын ауыстыру
секілді мәселелер қаралды.

Осы жиында Сұлтанбек Қожанұлы кезектен
тыс сөз алып, ресми құжаттарда қырғыз аталып
келген қазақты қайта қазақ атау жөнінде және
Ақмешіт атауын Қызылорда деп өзгерту туралы
бастама көтерді. Съезде бұл мәселе сол мезетте
шешілген.

Алтын ордадан тін тартатын Қызылорда
сөзінің мәні біз ойлағанның әлдеқайда терең. Сол
кезде Қожановтай ел қамын ойлаған тұлғалар
тарихи нәмір рухани байланысты негізге алып
барып, Ақмешіттің атауын өзгерткен. Оның түпкі
мағынасы Алматы орда дегенге саяды. Біз бұл
туралы бұған дейін жазған мақалаларымызда
бірнеше дәлелмен мысал келтіргенбіз. Сол себепті
де арнайылап тоқталған жоқпыз.

Бұл оқиға осыдан 96 жыл бұрын болған.
Сонымен 15 сәуір ұлт атауын қайтарған әрі
Ақмешітті Қызылорда атаған съезд басталған
күн ретінде тарихқа енді. Съезд 5 күнге
созылғанын ескерсек, 19 сәуірге дейін ұлттың
тарихи атауы ресми түрде қайта қалпына келті-
ріліп, ел астанасына жаңа атау берілген. Бір
қызығы, 69 жылдан соң, дәл осы 15 сәуірде
Қызылорда қаласының қоғамдық-саяси газеті
болып саналатын «Ақмешіт апталығы» басылымы
жарыққа шыққан.

Сәйкестік пе, әлде Құдайдың өзі Қызылорданың
тыныс-тіршілігін бедерлейтін басылымның дәл осы
күні жарыққа шығуын қалады ма екен? Бұл жағы
бізге бәймәлім. Бір білетіміз, 15 сәуір ұлт атауын
қайтарған әрі Ақмешітті Қызылорда атаған съезд
басталған және Қызылордадағы қалалық статусы
бар жалғыз басылым – «Ақмешіт апталығы»
газетінің ақпарат айдынына жол тартқан күні. Бұл
күн бізге осынымен де ыстық.

Әзіз ЖҰМАДІЛДӘҰЛЫ

ХАЛЫҚ КЕҢЕСІ

Күлтегін тұсының шеберге қашау ұстатқан
данышпандары «будынмыз» дегенде, санасы оймен
кемелденіп, кеудесі шерге толып: «Үстіңнен
тәңірі баспаса, астыңнан жер тілінбесе, түрікті кім
басынады?» дейді екен. Мұндағы «будын» деп
отырғанымыз – халық.

Мыңдаған жылдар бойы қасиеті мен кепіретін
ислам құндылықтарымен суарған исі қазақ, күллі
мұсылман жұрты секілді. Алланың бір аты – Халық
деп біледі. Түу, қазақтан сөз артылған ба? «Халық
пен кара жер қартаймайды», «Халық ұйғарса, хан
түйесін сояр», «Халық қаһары камал бұзар», «Халық
сүймес, халық сүйген отқа күймес»...

Қазақ елінде, бүгінгі жаңаған Қазақстанда
тағдыр-талайы біте қайнаскан, ескі дүрдардықты
ұмытқан, өткеннің сабағын молынан алуға мүдделі
бір-ақ халық тұрады. Бір болып жұмылуға тиіс
халық тұрады. «Осы жұрт қызық» дегенді біз де
айтайық, кеңес тұсында «совет халқы» деп жағы
сембегендер, қай шайтан түрткенін кім білсін, еліміз
тәуелсіздік алғалы бері «Қазақстан халықтары» деуді
әдетке айналдырды. Тіпті бір жағынан қоғамдық,
екінші жағынан саяси-кеңес беруші ұйым болып
есептелетін Ассамблея – ресми түрде 2007 жылға
дейін «Қазақстан халықтары Ассамблеясы» деп
аталды. Әрине, бұл – қате тіркес еді. Мемлекеттік-
саяси тұрғыдан да, лингвистикалық тұрғыдан да.
Сіз мұны айтасыз, ғаламдық аяда қарағанда, қазақ
сөзінің мәнін түсінетін азамат «әлем халықтары» деп
емес, «әлем халқы» деп сөз саптайды.

3 БЕТТЕ

ДЕНСАУЛЫҚ

Облыстық денсаулық сақтау басқармасының мәліметінше, 11 сәуірде өңірде коронавирус жұқтырған 35 науқас анықталған. Оның 19-ы Қызылорда қаласында, Аралда – 2, Жалағашта – 1, Сырдария мен Шиеліде – 2, Жаңақорған ауданында 9-ы анықталған.



COVID-19: ІНДЕТ күшейіп келеді

35 науқастың 8-і, яғни 23 проценті
инфекциялық стационарға жатқызылса,
27 адам үй жағдайында бақылауда. 16
науқас жаңа ошақ ретінде, оның 13-і КВИ
симптомдарымен тіркелсе, 1 адамнан тест
арқылы және 2 науқастан стационарға жат-
қызар алдындағы тексерісте тіркелген.

Сонымен қатар жексенбі күні 14 нау-
қас коронавирустан емделіп шыққан. Олардың 9-ы Қызылорда қаласынан, Арал,
Қазалы мен Жаңақорған ауданынан 1 адам,
Сырдариядан 1 науқас жазылып шықты деп
тіркелген. Жалпы өткен жылдан осы кезге
дейін Covid-19 жұқтырған 4407 науқастың
3984-і вирустан емделіп шыққан. Демалыс
күні 426 адам зертханаға сынама тапсырып,
347 сынама тексерілген, ал 79 тестпен
жұмыс жасалуда.

2021 жылдың басынан бері аймақта
1015 адамнан коронавирус анықталған.
Вирус жұқтырғандармен қарым-қатынаста
болған азаматтар саны – 18061. Оның
ішінде тікелей қарым-қатынас – 15313,
ал ықтимал – 2748. Эпидемиологиялық
маусым басталғалы жалпы саны 270871
сынама тапсырылған.

Жалпы елімізде 11 сәуірде 608
адам коронавирустан емделіп шыққан.
Бірақ сол күнгі мәлімет бойынша 2290
адамнан ПТР тесті арқылы КВИ анық-
талған. Ал 9 сәуірдегі ақпаратқа сүйенсек,
коронавирустық инфекциясы бар пнев-
монияның 102 жағдайы және 5 өлім

жағдайы тіркелген.
Оған қоса 159 адам
пневмониядан жазылып
шыққан.

Ал вакциналау нау-
қаны бойынша Үкімет
отырысында Асқар Мамин
«Вакцинациялау графигі
нақты сакталсын және сәуір
айында, сондай-ақ мамыр
мен маусым айларында, жо-
сар бойынша ай сайын 2
млн адамды вакцинациялау
камтамасыз етілсін», – деді.
10 сәуірде Қызылорда об-
лысы бойынша барлығы 230
тұрғынға «Covid-19» инфекция-
сына қарсы екпе жасалған.
Олардың ішінде 40,4 проценті
медицина қызметкерлері, 26,9
проценті педагогтар, 22,1 проценті
мемлекеттік қызметкерлер және
қалғаны құқық қорғау қызмет-
керлері, тұрғындар.

Облыстық денсаулық сақтау бас-
қармасының хабарлауынша, 2-10 сәуір
аралығында қала бойынша 5060 адамға
вакцина егілген. Жалпы вакциналау
науқаны басталған 1 апқаннан бастап
10659 адамға «Covid-19» вирусына
қарсы екпе егілген.

А.ЖАЙҚОНЫСҰЛЫ

ӨЗІМІЗДІҢ ӨНІМ

Кәсіп бастауға ниетті
болғанымен, оны неден
бастау керектігін, жолын
біле бермейміз. Көбіне
дайын өнімді алып
сату жеңілрек көрінеді.
Дегенмен кәсіпкерлік
салада өндіріске бет бұру
керектігі жиі айтылады.
Өндіріспен айналысып, өз
өнімді шығару да оңай
шаруа емес. Істің көзін
тапқанмен оны әрі қарай
алып кетуге де көп күш
жұмсалыды. Қаржы табу,
оны жөнімен жұмсай білу
де қажет. Жалпы бастаған
кәсібіңнен береке табу
үшін қарым-қабілеттің
болғаны жақсы.



«ҚЫЗЫЛОРДА» ШОКОЛАДЫ

Қазір жастардың бұл салаға бетбұрысы қарқынды. Тәуелді
болудан гөрі тәуекелге бел бұғанды жөн көреді. Сондай
азаматтың бірі – қала тұрғыны Дархан Асан. Ол көптен бері
өндірің өз өнімін шығаруды көздеген екен. «Qyzylorda»
атауымен шоколад шығарып, сатылымға шығаруды мақсат
еткенімен оның қалай іске асыру керектігін білмейті. Десе де
ойда жоқта туыс әпкесінің қолдан жасаған шоколадын көріп,
жоспарын жүзеге асыруға асығады. Солай «Qyzylorda» тәттісін
өндірудегі алғашқы қадам басталады.

Жас кәсіпкер қаланың «Ақмешіт» шағын ауданынан гимарат
жалдап, кішігірім өндіріс орнына айналдырған. Біз барған кезде
онда өзі болмаса да анасы мен көмекшілері бар екен. Цехта
кезекті өнім өндіру процесі жүруде. Істің мән-жайын кәсіпкердің
анасы Жәмила Елеуова баяндап берді.

– Бұл кәсіпті бастағанымызға екі айға жуықтады.
Әуелі шоколадты үй жағдайында жасап көруге бел будық.
Құрамына түрлі қоспалар қостық. Бастапқыда ойдағыдай
шықпады. Бірнеше мәрте қайталап жасағанның нәтижесінде
ғана сапалы өнімге қол жеткіздік. Бірте-бірте тәжірибе
жинақталған соң шағын цех ашып, қажетті құралдарын
әкелдік. Қазір шоколадты арнайы құралдардың көмегімен
дайындаймыз, – дейді ол.

– Мен бұған дейін шоколад сататын фирмада жұмыс
істедім. Шоколадтың дайындау әдісі бұрыннан қызық-
тыратын. Сол кезде осыны өзіміз дайындасақ қаламыздың
өз өнімі болар еді деп ойлайтынмын. Сол идеяны іске
асыратын уақыт келіп, қолға алған жайымыз бар – дейді
досы Әлібек.

Тәтті өнімдерді дайындаудың өзіндік технологиясы,
әдіс-тәсілі бар. Одан ауытқасаң өнім ойдағыдай

шықпауы мүмкін. Жәмила апай шоколад жасаудың арнайы
курсын сатып алған екен. Сол арқылы оны әзірлеу әдісін
ігерген. Бүгінде олар күніне жүзден аса тәтті өнімді сатылымға
шығаруда.

Өнімді өндірген соң, оны сатылымға шығару да еңбекті
қажет етеді. «Qyzylorda» тәттісіне жұртшылық екі жақты
пікірде көрінеді. Бірі қолдап, жылы лебізін жеткізеді. Енді бірі
сын айтады. Дұрысын қабылдап, ойдағыдай етуге тырысады,
әрине. Қазір облыстың барлық ауданы өзіміздің өніммен
қамтылған. Олар Қызылордадан шыққан өнім деп ерекше
қуанады екен. Тапсырыс та ауыл-аймақтан көп түседі. Ал қала
ішінде әзірге ескі базардағы «Ажар» сауда үйіне ғана өткізеді.
Өнім көтерме бағамен 260 теңге көлемінде. Әрі қарай дүкен
иелері өз бағасын қояды.

Шоколадтың сәтті, арахис және жүгері қосылған үш түрі
бар. Дәмі басқа тәттілермен салыстырғанда айтарлықтай
өзгеше. Мақтағанымыз емес, расында солай екен. Бұған
Украинаның брендіне айналған «Roshen» шоколадмен
салыстыру барысында көз жетті. Біз барған кезде қажетті
шикізаттар келіп, соның басы-қасында жүрген кәсіп иесі
Дарханмен тілдесудің сәті түспеді. Алайда бастаған ісіне
береке тіледік.

Қайсыбір кәсіпті бастасаң да қаржыға тәуелді болатының
белгілі. Алдағы уақытта жас кәсіпкердің «Атамекен» ұлттық
кәсіпкерлер палатасы арқылы кәсіп аясын кеңейтсем деген ойы
бар. Сәтін салып, ісі оңға басса «Qyzylorda» шоколады танымал
болатынына күмән жоқ.

Айдана СЕЙІЛІ

Суретті түсірген Нұрболат НҮРЖАУБАЙ

НИЕТ ҚАБЫЛ БОЛСЫН!

«Вакцина салу, ПТР-тест оразаны бұзбайды»



Бүгін мұсылман қауымы үшін ерекше қасиетке
ие он екі айдың сұлтаны – рамазан айы басталды.
Жаратқанның шапағаты тоғіліп, мейірі артатын,
қылған қайырым мен жасаған игі қадам
еселенер кезең ораза ұстау амалына
ұласары белгілі. Қаншама мұсылман
ігітір-садақа таратып, жаман қасиет,
жат мінезді тыюға тырысады.
Сондықтан ораза жан мен тәңнің
тазаруы, жақсылық жарынысы деп қабылданады. Алайда әлемді
жайлаған ыңдет салдарынан оразаға қатысты көп сауал туындайтыны
анық. Осыған орай ҚМДБ-ның Қызылорда облысы
бойынша бас имамы Болатбек Әбуовке тақырыпқа 4 БЕТТЕ
қатысты бірнеше сауал жолдаған еді...

«БІЗ ӨЗ ҚОЛЫМЫЗБЕН ҚАЛАДЫҚ, ИҢҒЫМЫЗБЕН КӨТЕРДІК, ҚОЛ ЖАЙМАДЫҚ...»

15 сәуір – «Ақмешіт апталығы» газетінің
жарыққа шыққан күні. Шығармашылық ұжым
үшін де, газет оқырманы үшін де бұл күннің орны
бөлек екенін ескере келіп, басылым тарихына
қысқаша шолу жасағанды жөн көрдік.



Осыдан тура 27 жыл бұрын Сыр елінде тіл жанашырына айналған
«Ақмешіт апталығы» облыстық тіл басқармасының танымдық,
ақпараттық, жарнамалық басылымы жарыққа шықты. 1989 жылы
«Қазақ тілі» қоғамы, одан кейін Тіл комитеті құрылғаннан кейін жер-
жерлерде комитетке қарасты басқармалар отауын тігіп, жұмыстарын
жандандырған-ды. Сол кезеңде марқұм Әділхан Бәймен Қызылорда
облысының, тіл басқармасын басқарды. 1994 жылдың 18 мамырында
облыс әкімінің №97 қаулысы бойынша тіл басқармасының алқасы
құрылған сәтте алқа төрағасы болды. Сол жылы 15 сәуірде жарыққа
шыққан Сыр елінің танымдық, ақпараттық басылымы
«Ақмешіт апталығы» тіл басқармасының үніне айналды.

2 БЕТТЕ

